

28 January 2023

Milanski Myplant & Garden - najvažniji sajam hortikulture, vrtova i zelenih površina

Osim što će proizvođači moći naći poslovne saradnike i posjetitelji će moći uživati u dekoracijama, uređenju prostora, vrtnom namještaju i opremi, i još mnogo toga



Foto: Myplant & Garden

Myplant & Garden je najvažnija međunarodna manifestacija za hortikulturu, vrtove i formiranje zelenih konstrukcija i površina. Sedmo izdanje održava se **od 22. do 24. februara** 2023. godine u italijanskom gradu **Milanu**. Sajam će prva dva dana biti otvoren od 9 do 18, a treći dan a od 9 do 17 časova.

Pokrenut je 2015. godine i održava se u paviljonima Fiera Milano Rho Fero. To je najveći sajamski prostor u Evropi i prostire se na **730.000 m²** i ima obezbijeđeno 10.000 parkirnih mjesta.

Najprestižniji hortikulturni događaj

Trodnevna manifestacija je mjesto svih bitnijih B2B okupljanja izlagača, kupaca i stručnjaka iz ovog sektora.

Na njoj će biti predstavljeni rasadnici, cvijeće, lončanice, mehanizacija, usluge i sve što je povezano s temom sajma.



Bogatstvo zelenila

U 2022. godini bilo je 650 izlagača od kojih je 20 posto bilo iz inostranstva i gotovo 19.000 posjetitelja.

Rastuća industrija

Brojni izlagači će i ove godine predstaviti različite aspekte rastuće industrije. U svijetu inovacija posjetiteljima će biti predstavljene mašine za navodnjavanje, preradu zemljišta, prekvalifikaciju zelenih površina, sakupljanje i tretman vode te klimatizaciju. Osim što će proizvođači moći naći poslovne saradnike i posjetitelji će moći **uživati u dekoracijama**, uređenju prostora, vrtnom namještaju i opremi, i još mnogo toga. Također, bit će organizirane konferencije, seminari i razni događaji.

Više informacija o sajmu potražite na ovom [linku](#)

Cijena karta se kreće od 20 evra za prvi dan do 40 evra za treći dan. On-line ulaznice su nešto jeftinije i kreću se od 15 do 30 evra. Djeca od 11 do 17 godina, koja imaju pratnju, mogu dobiti karte po sniženim cijenama. Djeca mlađa od 10 ne mogu ući na izložbu osim ako roditelji ili odrasla osoba u pratnji na recepciji ne popuni izjavu o odgovornosti.

